

Convenio regulador da subvención nominativa concedida a

ASOCIACIÓN SOCIOCULTURAL DE GOIÁN

correspondente ao exercicio 2025

Expte. Nº 429/2025

Tomiño a, 1 de abril de 2025.

REUNIDOS

Dunha parte, o Excm. Sra. SANDRA GONZÁLEZ ÁLVAREZ, como ALCALDESA DE TOMIÑO en nome e representación do Concello e en virtude do artigo 21.1.b) da Lei 7/1985, de 2 de abril, Reguladora das Bases do Réxime Local, actuando especialmente autorizado para a firma do presente Convenio.

E doutra parte, MARÍA DEL PILAR RAMOS TAMAYO, presidenta da ASOCIACIÓN SOCIOCULTURAL DE GOIÁN, entidade sen ánimo de lucro con CIF G36259588 e domicilio en Auditorio de Goían s/n, parroquia de Goían no Concello de Tomiño

Ambas as partes recoñécense mutua e recíprocamente a capacidade legal suficiente e necesaria para este acto, e libremente:

EXPOÑEN

PRIMEIRO.- Que nos termos do artigo 25 da Lei 7/1985, de 2 de abril, Reguladora das Bases do Réxime Local, o Municipio, para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da asociación sociocultural, ostentando en todo caso competencias propias nos termos da lexislación do Estado e das Comunidades Autónomas en materias tales como promoción da cultura, promoción do deporte, atención inmediata a persoas en risco de exclusión social, etc.

SEGUNDO.- Que a satisfacción dos intereses xerais nos campos que anteriormente se sinalaron, contribúe dunha maneira fundamental a iniciativa privada, en particular, a daquelas entidades particulares que realizan actividades que sexan de utilidade e/ou interese público ou social, e veñen a complementar os servizos prestados pola Administración no eido das citadas competencias.

TERCEIRO.- Que a Asociación Sociocultural de Goían ten como obxectivo:

- Acercar a música clásica e tradicional a todas as clases sociais que compón a nosa comunidade.
- Fomentar a educación musical e en valores dentro da súa escola para así aportar o seu gran de area á sociedade.
- Contribuír ó fomento, desenvolvemento, promoción e difusión da música.
- Promover a formación musical en distintos niveis e ámbitos como vehículo de expresión artística e pedagóxica.

- Impulsar actuacións e audicións musicais de todas as seccións da escola de música.
- Organizar diferentes actividades culturais.
- Participar en diferentes certames e festivais.
- Fomentar a protección do patrimonio artístico, musical e cultural.

CUARTO.- De conformidade coa Base 23.6ª das de execución do orzamento, concédese unha subvención nominativa para o financiamento do proxecto "ACTIVIDADE ANUAL DA ESCOLA DE MÚSICA E DA AGRUPACIÓN MUSICAL DE GOIÁN" da ASOCIACIÓN SOCIOCULTURAL DE GOIÁN por importe de 30.000 €.

De conformidade co preceptuado na Lei xeral de subvencións, 38/2003, artigo 22.2.a), a referida subvención debe ser instrumentada a través do oportuno Convenio regulador.

SEGUNDO.- Os principais datos da subvención solicitada son os seguintes:

- 1) Denominación do proxecto: "ACTIVIDADE ANUAL DA ESCOLA DE MÚSICA E DA AGRUPACIÓN MUSICAL DE GOIÁN"
- 2) Descrición sucinta da actividade a subvencionar:
 - Impartición de clases na Escola de Música
 - Preparación de alumnos para a súa posterior incorporación os Conservatorios Profesionais de Música.
 - Audicións trimestrais.
 - Realización de concertos de diversa índole (Bandas, Banda Xuvenil, Banda Infantil, concertos didácticos, de Cámara, de música tradicional)
 - Participación en Certames competitivos a nivel provincial, autonómico, estatal e internacional.
 - Participación en festivais organizados por outras asociacións ou organismos.
 - Realización e organización de eventos culturais no Concello: concerto das Letras Galegas, Encontro de Bandas, Concerto na Praza do Seixo, Concerto de Santa Icí, Concerto de Nadal...
 - Realización e organización do Campamento Musical no verán.
- 3) Destinatarios da actividade:

Usuarios directos: A asociación conta na actualidade con 140 alumnos e alumnas.

Usuarios indirectos: Poboación de Tomiño, O Rosal, A Guarda, e Tui.
- 4) Motivo do interese público local da actividade:

A Agrupación Musical de Goián configura un elemento esencial en termos culturais e musicais no Concello de Tomiño. Trátase dun proxecto consolidado que naceu no ano 1998 e que enche de cultura e música o noso pobo realizando diversas actividades de carácter educativo e cultural no ámbito da música.

Un dos pilares é a labor que se realiza na escola de música, que neste ano 2025 solicita a inscrición no Rexistro de Escolas de Músicas da Xunta de Galicia e oferta clases que abranguen todas as franxas de idade a partir dos tres anos. Impártense clases a nivel individual (instrumentais) e colectivo, tanto de linguaxe musical como ensaios das distintas agrupacións que están dentro da asociación, e que son unha peza fundamental: minibanda, banda xuvenil, banda e outros grupos.

Desde fai anos os nenos e nenas teñen a oportunidade de estudar e adentrarse no coñecemento da música grazas a profesionalidade coa que se traballa dende a Escola. Varios datos que acreditan a solvencia deste proxecto son por exemplo a cantidade de profesionais da música que tiveron as súas orixes na escola da agrupación ou a cantidade de persoas que dun xeito ou doutro atópanse vencellados á música ou teñen a música como parte das súas vidas no noso pobo. Tamén destacar o alto porcentaxe de alumnado que supera satisfactoriamente nas súas probas de acceso ós Conservatorios Profesionais de Música.

Outras actividades musicais que se realizan durante o ano son: Audicións trimestrais, Concerto do Socio, Concerto das Letras Galegas, Encontro de Bandas, Concerto na Praza do Seixo, Concerto de Santa Icíá, Concerto de Nadal, organización de concertos didácticos para os centros escolares, campamento musical.

Préstase tamén moita atención a educación en valores, con Charlas, Fins de semana de Convivencia, Campamentos, Excursións, Cursos de Instrumentos, intercambios musicais con outras bandas, etc.

- 5) Obxectivos a acadar coa actividade:
- Ofrecer formación musical ao alumnado.
 - Gozar de actividades musicais, culturais e de ocio.
 - Dar a coñecer actividades culturais e artesanais de veciños do pobo.
 - Estreitar lazos entre a veciñanza.
- 6) Período proposto de imputación do gasto: Ano 2025.
- 7) Forma proposta de difusión pública da participación do Concello de Tomíño no financiamento da actividade, e de xustificación da mesma: realizarase a través da inserción do logotipo ou anagrama do Concello de Tomíño en toda a publicidade que se realice para anunciar os eventos, que se distribúen tanto en formato físico, papel, como a través das redes sociais (carteis, programas de man, códigos QR, etc.)

Co fin de promover os obxectivos descritos e ao amparo do disposto pola lexislación vixente, as partes conveñen as seguintes

CLÁUSULAS

PRIMEIRA.- Obxecto e beneficiario.

O presente Convenio ten por obxecto regular o réxime de obrigas derivadas da achega municipal no financiamento da "ACTIVIDADE ANUAL DA ESCOLA DE MÚSICA E DA AGRUPACIÓN MUSICAL DE GOIÁN" promovido pola ASOCIACIÓN SOCIOCULTURAL DE GOIÁN.

SEGUNDA.- Crédito orzamentario e contía da subvención.

Como colaboración na realización das citadas actividades, o Concello de Tomíño comprométese, en virtude do presente convenio, a participar no seu financiamento cunha subvención de 30.000 euros. Esta subvención imputarase á aplicación orzamentaria 334.489.00 do orzamento do Concello de Tomíño do 2025 e estará suxeita os prazos que se reflicten na cláusula sétima deste convenio.

TERCEIRA. Requisitos da entidade beneficiaria:

- Estar ao corrente con AEAT, Xunta de Galicia, Seguridade Social, e co Concello de Tomiño.
- Non estar incluídos en ningunha das causas de incompatibilidade ou de incapacidade para ser beneficiarias ou percibir as subvencións previstas na LXS.
- Os beneficiarios poderán recibir como máximo o 80% do orzamento presentado sobre os gastos subvencionables.

CUARTA.- Compatibilidade con outras achegas, axudas, ingresos ou recursos para a mesma finalidade.

Esta subvención é compatible con outras subvencións, axudas, ingresos ou recursos para a mesma finalidade, procedentes de calquera Administracións ou entes públicos ou privados, nacionais, da Unión Europea ou de organismos internacionais, sempre que o importe das mesmas sexa de tal contía que, illadamente ou en concorrencia con outras subvencións, non se supere o custe das actividades subvencionadas.

Tamén será compatible coas achegas procedentes do círculo cultural do Concello de Tomiño.

Coa entrada en vigor deste convenio, a Asociación Sociocultural de Goián non poderá presentarse á convocatoria de subvencións que o Concello de Tomiño reparte anualmente entre as Asociacións sen ánimo de lucro que realizan actividades no ámbito cultural, deportivo e social.

QUINTA .- Gasto subvencionable.

Unicamente serán subvencionables aqueles gastos que de xeito indubidable respondan á natureza da actividade subvencionada, resulten estritamente necesarios, sexan directamente imputables a esta, e se realicen dentro do prazo establecido no seguinte parágrafo. Considerarase gasto realizado aquel que se pagara efectivamente con anterioridade á finalización do prazo de xustificación da subvención.

En todo caso, considerarase gasto subvencionable: nóminas de persoas, servizos profesionais, seguridade social, prevención de riscos laborais, seguros, impartición de cursos, partituras, reparación de instrumental, asesoría, fotocopias, teléfono, material de oficina, programa informático, webs, desprazamentos, aloxamento e manutención con motivo de participación en certames, intercambios ou campamentos.

Non se considerará gasto subvencionable:

- Gastos derivados das atencións protocolarias ou viaxes de lecer, as excursións, as festas gastronómicas e as festas populares
- Os gastos gastronómicos, agás cando garden relación directa coa actividade e sexan necesarios para o seu desenvolvemento.
- Actividades que utilicen no seu desenvolvemento linguaxe sexista ou que empreguen a imaxe da muller como reclamo.
- Actividades que ocasionen ou xustifiquen o maltrato de persoas ou animais.

Acéptanse os gastos realizados e efectivamente pagados dentro do seguinte período de imputación: ano 2025.

SEXTA.- Obrigas do beneficiario.

Ademais das funcións propias da Escola de Música, a Agrupación Musical de Goián ou outros grupos integrados nela deberán organizar e realizar ata 10 concertos no Concello de Tomiño ao longo do ano (5 a banda e 5 outros grupos). Tamén deberá realizar un campamento musical para 40 nenos e nenas

de entre 3 e 12 anos, cunha duración mínima de dúas semanas a impartir, preferentemente, no mes de agosto.

Por outra parte, a Asociación Sociocultural de Goián deberá acoller cunha bonificación do 100% da cuota ata 5 alumnos ou alumnas propostas polo departamento de Servizos Sociais nas actividades de Xardín Musical e/ou Linguaxe Musical.

SÉTIMA.- Prazo e forma de xustificación por parte do beneficiario do cumprimento da finalidade para a que se concedeu a subvención e da aplicación dos fondos percibidos.

O beneficiario percibirá o importe da subvención concedida unha vez realizada a actividade subvencionada e xustificada documentalmente ante o Concello, de conformidade co establecido no presente Convenio e nas Bases de Execución do Orzamento.

Co fin de facilitar a realización do obxecto da subvención por parte dos beneficiarios, contéplase en aplicación do previsto no art. 34. 4 LXS a posibilidade de realizar pagos a conta da xustificación final. A estes efectos o beneficiario poderá presentar xustificacións parciais que darán dereito a expedición de abonos a conta da xustificación final, ata un máximo dun 25% por trimestre do total da subvención acumulativo en cada prazo, sempre que se presente a documentación detallada no apartado seguinte e ata un importe mínimo do pago parcial solicitado.

O pagamento realizarase mediante transferencia bancaria na conta que figura no formulario 3, previa presentación dos formularios 4 e 5, xunto coa documentación que neles se require.

O importe a xustificar non será inferior en ningún caso ó 125 % do importe de subvención concedida.

O importe da subvención concedida aboarase unha vez aprobada definitivamente e previa xustificación dos gastos subvencionables, mediante a presentación da seguinte documentación:

- Formularios 4 e 5.
- Nóminas, facturas e formas de pagamento a terceiros que poidan acreditarse mediante un documento expedido por unha entidade financeira, no que quede identificado o beneficiario, o importe e, a data de pagamento (cartóns bancarios de crédito ou débito, talóns nominativos, transferencias bancarias etc.).
- Conta xustificativa dos gastos, na que se determinará o gasto total da finalidade subvencionada, detallando as nóminas e facturas: nº factura, data de emisión, proveedor, CIF, concepto, importe e data de pago.
- Documento probatorio da difusión da colaboración do Concello na actividade subvencionada. "
- Os certificados de atoparse ao corrente das obrigas tributarias e seguridade social deberán estar vixentes no momento da xustificación.

OITAVA.- Prazo

O prazo máximo para xustificar a subvención será o 30 de novembro de 2025.

NOVENA.- Devolución de cantidades percibidas en concepto de subvención.

As axudas concedidas deberán devolverse ou reintegrarse nos seguintes casos:

- Ó obtelas falseando as condicións requiridas.
- Ó non aplicalas para os fins para os que foron concedidas.
- Ó incumplir o beneficiario as obrigas asumidas e as condicións fixadas nestas bases.

As causas de reintegro da subvención serán as que se determinan no artigo 37 da lei 9/2007 do 13 de xuño, de subvencións de Galicia.

DÉCIMA.- Lexislación aplicable.

O réxime xurídico aplicable será o establecido neste Convenio, no Regulamento para a concesión de axudas e subvencións municipais do concello de Tomiño de publicado no BOP de 31/05/2004, modificado no BOP de 17/06/2008 e 7/05/2010, na Lei 9/2007, de 13 de xuño, de Subvencións de Galicia, no Regulamento da Lei 9/2007, de 13 de xuño, de Subvencións de Galicia, aprobado por Decreto 11/2009, de 8 de xaneiro, na Lei 38/2003, de 17 de novembro, Xeneral de Subvencións e na súa normativa de desenvolvemento, sen prexuízo do establecido como lexislación estatal básica nos artigos 47 a 53 da Lei 40/2015, de 1 de outubro, de Réxime Xurídico do Sector Público.


Polo Concello de Tomiño

A ALCALDESA-PRESIDENTA

Asdo.: Sandra González Álvarez


Pola Asociación Sociocultural de Goián

A PRESIDENTA

Asdo.: María del Pilar Ramos Tamayo